



Árþing SSNE 2026

Haldið í Menningarhúsinu Bergi, Dalvík 26. mars 2026

Drög að ályktunum

Eftirfarandi ályktanir eru lagðar fyrir Árþing SSNE árið 2026:

- Árþing SSNE áréttar að samgönguáætlun er eitt mikilvægasta byggðatæki ríkisins og að forgangsröðun og fjármögnun verði að endurspeglar markmið um jafnræði, byggðapróun og umferðaröryggi.** Árþing SSNE fagnar því að greinilega er horft til Samgöngu- og innviðastefnu SSNE í þeirri Samgönguáætlun sem nú er til umfjöllunar á Alþingi. Árþingið vill þó skora á Alþingi að færa fleiri brýn verkefni á Norðurlandi eystra inn á fyrsta tímabil aðgerðaráætlunar, tryggja aukið fjármagn til vetrarþjónustu og afnema helmingamokstur, stytta ferðatíma milli borganna tveggja, og hraða úrbótum í tengslum við umferðaröryggi og malbikun vega.
- Árþing SSNE ítrekar ályktun sína frá haustþingi 2025 og hvetur stjórnvöld til að vinna skýrar að nýtingu þeirra stóru tækifæra sem felast í millilandaflugi um Akureyrarflugvöll.** Árþing SSNE leggur áherslu á að flugþróunarsjóður verði áfram eflur með auknu fjármagni og þróun á reglum hans, auk þess að völlurinn verði þróaður sem öflugur flugvöllur fyrir bæði farþega- og fraktflug með áframhaldandi uppbyggingu aðstöðu á flugvöllinum. Með eflingu flugs um Akureyri skapast ný tækifæri fyrir ferðaþjónustu, útflutning, erlendar fjárfestingar á Íslandi og tengsl við alþjóðamarkaði sem nýtast landinu öllu. Árþing SSNE ítrekar mikilvægi þess að haldið verði áfram með uppbyggingu flugvallarins, stækkun flugstöðvarinnar og uppsetningu aðflugsljósa sem allra fyrst. Þá ítrekar Árþing SSNE þá afstöðu sína að skipa eigi sérstaka stjórn fyrir Akureyrarflugvöll sem setur honum stefnu til framtíðar. Hlutverk stjórnarinnar væri að byggja upp alþjóðflugvöllinn sem aðra gátt inn í landið; byggja upp nauðsynlega innviði vallarins, tryggja samkeppnishæfni og hafa leiðandi hlutverk í markaðssetningu hans í samstarfi við hagsmunaaðila í gegnum Markaðsstofu Norðurlands og Íslandsstofu.
- Árþing SSNE leggur mikla áherslu á að hraða uppbyggingu flutningskerfis raforku á Norðurlandi eystra til að tryggja fullnægjandi afhendingaröryggi fyrir núverandi og framtíðaruppbyggingu atvinnulífs.** Árþing SSNE skorar á stjórnvöld og Landsnet að flýta eins og hægt er þeim úrbótum sem nauðsynlegar eru til að tryggja örugga og stöðuga afhendingu raforku á helstu iðnaðarsvæðum landshlutans og skapa þannig skýrar

forsendur fyrir nýsköpun, orkutengda starfsemi og fjölbreytta atvinnuuppbyggingu

- Árþing SSNE leggur ríka áherslu á mikilvægi þess að Sjúkrahúsið á Akureyri (SAk) fái þann stuðning ríkisvaldsins sem nauðsynlegur er til að tryggja örugga mönnun, traustan rekstrargrundvöll, fullnægjandi húsnæði og búnað til framtíðar.** Á SAk starfar öflugur hópur fagfólks sem hefur sinnt samfélaginu með mikilli fagmennsku og ábyrgð. Áskoranir í mönnun, rekstri og húsnæði eru þó verulegar og ekki lengur unnt að bíða með að bregðast við þeim. Árþingið fagnar því að unnið sé að heildarendurskoðun á hlutverki og þjónustu SAk, auk sérstakrar greiningar á rekstri, og að undirbúningur viðbyggingar sé kominn að framkvæmdastigi. Mikilvægt er að þessi vinna skili skýrri framtíðarsýn, raunsæjum áætlunum og tryggri fjármögnun. Þingið undirstrikar að SAk sé hornsteinn samfélags á Norðurlandi eystra og mikilvægur hluti íslenska heilbrigðiskerfisins, m.a. sem varasjúkrahús landsins. Til að blása til sóknar í atvinnu- og mannlífi á svæðinu er óhjákvæmilegt að rekstur og uppbygging SAk standi traustum fótum.
- Árþing SSNE undirstrikar mikilvægi Háskólans á Akureyri sem lykilstoðar í byggðalegu samhengi.** Hann er burðarás í að tryggja aðgang að hágæða háskólamenntun á landsbyggðinni, styður við fjölbreytt atvinnulíf og laðar að bæði sérfræðinga og nemendur sem styrkja samfélög á Norðurlandi eystra og á landinu öllu. Árþing SSNE telur jafnframt brýnt að viðurkenna mikilvægi öflugs og sjálfstæðs háskólatengds rannsóknarsamfélags á landsbyggðinni, þar sem rannsóknir og þekkingarsköpun eru mikilvægir drifkraftar atvinnuþróunar, nýsköpunar og stefnumótunar. Háskólinn á Akureyri hefur í nær fjóra áratugi verið lykilstaður í því að hækka menntunarstig á landsbyggðinni og hefur alla burði til að byggja upp þekkingarsamfélag sem styður við fjölbreyttara atvinnulíf á landsvísu.
- Árþing SSNE fagnar boðuðu byggðamati innviðaráðherra við undirbúning lagafrumvarpa, opinbera stefnumótun og áætlanagerð og telur afar mikilvægt að slíku mati sé komið á.** Árþing telur þó ástæðu til að ganga lengra og skorar á ríkisstjórnina að bæta verkferla stjórnsýslunnar þannig að alltaf sé minnt á landsbyggðina í allri ákvarðanatöku, t.a.m. við skipan stjórnna og nefnda opinberra aðila.
- Árþing Samtaka sveitarfélaga og atvinnuþróunar á Norðurlandi eystra (SSNE) lýsir áhyggjum af hugmyndum innviðaráðherra um að fella niður línuívilnun og skel- og rækjubætur, enda þurftu þeir sem fengu leyfi til rækju- og skelveiða að leggja inn veiðiheimildir í bolfiski á mótí.** Árþingið telur að þessar ívilnanir skipti verulegu máli fyrir rekstrargrundvöll lítilla og meðalstórra útgerða og fiskvinnslu á Norðurlandi eystra og að afnám þeirra geti haft neikvæð áhrif á atvinnulíf, byggðafestu og tekjustofna sveitarfélaga á svæðinu. SSNE hafnar því mati að áhrif breytinganna á sveitarfélög verði óveruleg og bendir á mikilvægi stöðugleika og fyrirsjáanleika í regluverki sjávarútvegs, til að styðja við fjárfestingar og fjölbreytt atvinnulíf um allt land.

Árþing SSNE skorar á ríkisstjórn og Alþingi að endurskoða frumvarpið, tryggja virkt samráð við sveitarfélög og atvinnulíf og sjá til þess að breytingar á fiskveiðistjórnarkerfinu styðji áfram við byggðafestu og samkeppnishæfni lítilla og meðalstórra útgerða.